

Selebrashon dia di RINCON 2023.

REGLANAN PA REPASA I KOMPRONDE PROME KU INSKRIBI:

Artíkulo 1.

FORMULARIO DI INSKRIPSHON:

Tur esnan ku ta deseá un stènt mester yena e formulario riba e website díadirincon.org i lesa, aprobá e reglanan stipulá.

Artíkulo 2.

SUMA PA INSKRIBÍ:

Tin ku paga e suma di \$. 15,- riba kuenta **MCB Bonaire 42347802** i “upload” e komprobante na momento di inskribi. Sin e pago di inskripshon bo no por inskribí.

Ultimo fecha pa inskribí ta dia 15 di aprel 2023.

Artíkulo 3.

PETISHON PA STENT:

Ora e doño di stent entregá un petishon pa stènt e ta hasi un petishon tambe pa un adrès preferibel. Riba e formulario di inskripshon tin ku yena e sitio nan ku ta deseá pa harma bo stent, por wak e numbernan riba e mapa di stènt pa dia di Rincon. E mapa tambe por haña riba internet bou di e nòmber diadirincon.org. Ora ta pone e sitio preferí pone mas ku dos(2) eskoho.

Artíkulo 4.

ADRÈS FINAL DI STENT:

E adrès final di bo stènt ta wòrdu stipulá dor di Komishon Herensia Kultural.

E petishon ta keda evaluá pa Komishon Herensia Kultural abase di reglanan stipulá dor di Komishon Herensia Kultural i si e petishon ta kuadra ku e reglanan lo bo haña e adrès preferí.

Kriterionan pa skohe adrès pa stènt ta:

1. Ta tene kuenta ku kategoria di stènt (Kushina, bar, obra di man etc.).
2. E kantidat máksimo i mínimo di kategoria di stènt ku por tin den kada zona.
3. Motivashon di petishon pa e sitio.

No ta pèrmití entregá e formulario di inskripshon i komprobashon di pago di inskripshon despues di e ultimo fecha pa inskribí 15 di aprel 2023.

Artikulo 5.

PREIS PA E DIFERENTE KATEGORIA NAN DI STENT:

Artesania/boka dushi, pasa boka	\$45
Kushina	\$75
Bar Chiki	\$75
Bar Grandi	\$220
Otro	\$150+

Huntu ku e prijs di e stènt ta bin e suma di inskripshon di **\$15** i tambe tarifa basiko di **\$30**.

Artíkulo 6.

REUNION OBLIGATORIO:

Tur doño di stènt tin ku partisipá obligatorio na un reunión informativo.

Den e reunion aki lo bai tin informashon di parti diferente instansia, por ehèmpel Polis, Selibon, GGD, Komishon Herensia Kultural, ets.

Dia 12 di aprel 2023 tin reunion obligatorio pa tur stènt houders.

Artíkulo 7.

FORMA DI E STÈNT.

Nos ta supliká bo pa kombertí e sitio di bo stènt den un forma alegre.

Esta estilo krioyo imitando nos ambiente di ántes kaminda ku bo ta usa bo fantasia i bo espasio ta bira algu úniko. Usa materialnan manera pal'i maishi, bara di flambeau i rama di koko.

Herensia Kultural no ta aseptá ni tapol, ni tèt di plèstik. Tur stènt mester hisa bandera i/of dòrna e stènt, ya e bista ta musta mas festivo.

Tur stènt mester tin un number i esaki mester ta visibel.

Grandura di stènt ta mínimo. 3 X 3 i máksimo. 5 X 5.

Bo por traha/harma bo stènt entre 15 di aprel i 25 di aprel 2023. Komishon ta kontrolá dia 29 di aprel.

Artíkulo 8.

KORIENTE PA ILUMINASHON I UN PARTI CHIKITU PA APARATONAN KU USO ABOU:

Tur doño di stent ku tin mester di koriente na nan stent mester tin nan stent harma mas tarda 25 di aprel 2023.

Koriente por wòrdu usa solamente pa dlanan 29, 30, di aprel i dia 1 di mei 2023. E koriente ku ta wòrdu suministrá na kada stènt ta primera mente pa iluminashon i un parti chikitu pa aparato nan elektróniko ku ta usa kapasidat abou di koriente. E stènt ta pegá riba un ret ku ta repartí te ku un máksimo di 25 ampèr pa e rit. Dado kaso bo stènt tin nesesidat di mas ampèr kada doño di stent mes tin ku sòru pa esei, den un forma di un Generator. Herensia Kultural no ta responsabel pa ningun daño kousa na aparato elektróniko.

Artíkulo 9.

OUTORIDATNAN OFISIAL:

Si pa un of otro motibu outoridatnan mester para funshonamentu di un stent, Herensia Kultural no ta responsabel pa esei.

Artíkulo 10.

Herensia Kultural no ta responsabel pa daño nan kousá dor di Forsa Mayor.

Artíkulo 11.

KONTROL

Tur doño di stènt mester por kumpli ku tur reglanan di outoridat manera ; Brandweer, Polis, Direktorado di Planifikashon i Desaroyo i Direktorado di Supervishon i Mantenshon di Lei.

Artíkulo 12.

PERMIT PA OPERA E STENT:

Tur doño di stent mester tin pèrmit pa por operá e stent.

Pa por manehá un stent tur doño di stent mester tin un pèrmit di Herensia Kultural.

Si no kumpli ku e reglanan stipulá pa Herensia Kultural bo no ta haña pèrmit pa operá un stent.

Artíkulo 13.

RESPONSABILIDAT DI E OPERADO DI STENT:

Tur responsabilidadat ta keda na e doño di stènt i te ku dos(2) meter rondó di su stènt.

Herensia Kultural no ta responsabel pa niun pèrdida òf daño di artikulonan di e operadó di e stent.

Herensia Kultural no ta responsabel pa niun insidente òf aksidente ku tuma lugá na i/òf dos(2) meter rondó di e stent.

Artíkulo 14.

FECHANAN PA TENE NA KUENTA:

- Dia 12 di aprel 2023 tin reunion obligatorio pa tur stènt houders.
- Último fecha pa inskribí ta dia 15 di aprel 2023.
- Bo mester por traha/harma bo stènt entre 15 di aprel i 25 di aprel 2023.
- Último fecha pa hasi pago di stènt ta 25 di aprel 2023.
- Dia 7 di mei 2023 lo kuminsá kontrolá tur e stèntnan ku a wòrdu plama i ruimop. Si no kumpli ku esaki e doño lo risibí but i subi Blacklist.

Artíkulo 16.

KONSEHO:

Si bo no por kumpli ku tur e reglanan ariba menshoná ta rekomendabel pa no hasi petishon pa un stènt riba e dia di Rincon 2023.

Ku bo koperashon nos ta hasi e dia di Rincon 2023 mas eksitoso.

TA NOS TUR HUNTU TA HASI DIA DI RINCON.

Danki.

Direktiva di komishon Herensia Kultural.